

明奉 移 疏

題為白糧收畢恭

報完數併參拖欠員役以飭常法以肅

上供事崇禎十一年三月初十日准戶部咨



川清

吏司案呈奉本部送戶科抄出光祿寺署寺事

少卿曠鳴鸞題前事奉

聖旨據奏收驗白糧遵旨釐別知道了徐仁包攬侵

欺慣以漂失支抵殊可痛恨着刑部嚴拏究追災

光祚着議處其增減稞稞事宜該部確酌具覆欽
此欽遵抄部送司奉此查得增減稞稞事宜崇
禎九年四月內該光祿寺題爲米式奉有
屢旨外解終難如式等事本部具覆奉

聖旨這白糧不堪經營各官分別免議罰俸及嚴革
包攬引戶俱依議其新運稞稞酌量增減事宜着
該撫按查議妥確作速奏奪以後徵收清潔呈驗
樣米責在地方印官中途揀換米色不符責在部
嚴行申飭欽此欽遵移咨該撫按酌議具奏去後
于崇禎十年運到崇禎九年分白糧數內稞米
數內比舊額多四千石稞米比舊額減四千四
百石此該撫按或遵酌量議減之

旨也但未經具覆奉有

俞旨難以遵守除移會光祿寺先行查收外合無亟
行咨催務遵先令

明旨內事理一面申飭各州縣務選精好之米如式
兌運一面將增減粳稔事宜酌議妥確定立一
定分數規則以垂永久星馳具奏等因備咨前
來准此案查先准戶部咨前事隨經會行蘇常
二道速將蘇松常三府崇禎九年分應納光祿
寺白糧以粳易稔酌量增減事宜通詳具

奏等因去後催據蘇松兵備僉事宋繼登呈據蘇
州府申奉院道憲牌隨經備行松常兩府關訪
去後今准兩府關覆前來該本府知府陳洪謐
看得光祿寺白熟稔米部額一萬四千餘石因
細白精潔者甚少今該寺酌量兩年應用之數
必得四千餘石以足其用今查常州府比照萬
曆十五年事例將稔米二千二百石改徵粳米
二千石矣而松江府又認改徵八百石所少之
數止得一千二百石本府烏敢不遵以認解耶
但查舊例原該稔米一石一斗准作粳米一石

今認解一千二百石本府原編粳米一萬五千石則該截去一千三百二十石止該解一萬三千六百八十石矣相應請明遵照派徵等因又據松江府知府方岳貢詳稱松江應解粳米一萬三千六百石白熟粳正米二千二百石此定例也其減粳增粳自九年始奉部劄粳米每年增解八百石而卽于粳米內減解八百八十石

蓋粳米貴于粳米詳明院道酌定畫一除增減相準外實減粳米八十石免編于民等因到道

據此看得光祿寺白糧粳粳咸有定額自崇禎九年奉有減粳加粳之文是以每年增粳一石卽減粳一石一斗今計蘇郡增粳一千二百石應于粳內截去一千三百二十石松郡增粳八百石應于粳內截去八百八十石蓋因粳價恒浮于粳故爲劑量其平各已詳蒙憲允茲據二府申覆前來相應呈明等因又據常鎮兵備道

按察使曾化龍呈據常州府呈奉院道憲牌前
事隨經關會蘇州府酌議去後今准該府回稱
准松江府關文備覆到府准此該本府知府陳
瑄看得光祿寺粳米一項奉文內將四千石改
徵粳米起解崇禎九年分會計本府認解二千
石蘇州府認解一千二百石松江府認解八百
石以粳易稷蓋因粳貴于稷比照萬曆十五年
例每石改徵粳米九斗前項改徵
米四千石蘇松常三府應加除粳米四百石今
糧解起運到部之數故與舊額不同謹將會計
派徵過數目呈乞憲臺俯賜轉詳據實具奏
敕部查明減額永爲遵守以便每歲徵輸等因據此
該本道看得光祿寺粳米常府遵照酌量增減
之

旨認解改徵粳米二千石又遵萬曆十五年粳十稷
九之例加除算解故新數與舊額較殊行據府

覆前來相應轉請具奏

敕部以便恪遵等因各詳到臣該臣謹會同巡按蘇松等處監察御史王志舉看得光祿寺白糧爲上供急需部議以粳米改徵粳米四千石奉有酌量增減該撫按查議妥確之

青臣等檄行蘇松常三府會查有萬曆十五年粳十
粳九之例可循蘇州府增粳一千二百石應減

粳一千三百二十石松江府增粳八百石應減
粳八百八十石常州府增粳二千石應減粳二

千二百石合計一歲增粳四千石共減粳四千
四百石裒益之間劑量攸當所爲永著爲例者
也今據兩道查覆前來相應具

題伏乞

敕部覆議上

請施行

崇禎十一年四月廿五日具

題 月 日奉

聖旨

卷之二

是為不時糾劾有司以飭吏治事竊炤臣屬無錫
一邑乃最劇最疲之地也數年以來簡較蘇萬
邦以攝篆提問矣知縣陳志忠以大計察處矣
官因屢更而弊滋署緣久虛而法弛使得人地
相宜者以起維新之色臣等方獎成之不暇而
何忍苛求唯是邑當積敝真如沉痾之待瘳投
以庸才則如積寐之難醒使久膺事任而地不

安于人其受害爲大若初涉煩難而人不安于地其貽悞猶小如知縣廖負暄則人不安于地者也操持實無可議而有守不能有爲規模絕無可觀而朝氣卽成暮氣此一官者一味寬柔全無明察事權旁落而不問怨尤交集而罔聞但其廉隅尚存後效可策所應炤不及例降誥以全器使者也謹會同巡按蘇松等處監察御

史三志
詞具

題伏乞

敕下該部再加覆覈施行

崇禎十一年五月十六日具

題六月十七日奉

聖旨吏部知道

報海寇疏

題爲海賊突報聚劫一面嚴飭官兵擒勦謹先據
報奏

聞事崇禎十一年五月十四日據柘林營守備莫士
強報稱本月初六日起至初十日止哨探得外
洋有南寇飄突劫掠震鄰卑職嚴督部下領哨
陸路官王之翰王慎德等各率兵軍循塘哨守
等因本日又據太倉州知州錢肅樂呈爲海寇

殺刦反變乞申院道亟行勦究事稱據商民朱淵詞稱淵等船至羊山脚下遭海寇千人連舩四十餘號飛帆撓截殺死王龍徐官劉大三命刦去船內銀錢衣物殆盡綁擒男朱官并船丁二十四人押解渠魁冠袍僭蟻劔戟森嚴硃牌有日國義帥之名旗號有左右都督之稱夾栲無出盡欲斬首哀哭求生喝穽男朱官等六人

餘放通信勒銀贖質事出反變急申院道督兵窺伺乘機生發及早不除漸不可長養力樹威

全在以本地之兵得專防本地之信環海重地方可安枕當此立限追捕之時似不可以兵虛之故滋其借口然度力揆勢實有然者不得不因事而陳以請憲奪等因各報到臣該臣批行各營哨擒勦去後該臣謹會同巡按蘇松等處監察御史王志舉看得蘇松處處濱海最重汛防微臣申飭將士多方嚴蒞歷歲以來鯨鯢頗

稱歛跡邇因徵調頻仍兵力單薄突有海賊乘機竊發往來于羊山上下據詳稱聚黨千人聯舩數十殺劫無忌似乎商民之罹其害者不知凡幾及今不爲剪除將成燎原之勢矣查羊山浙直之交也海洋之盜原無定踪已嚴檄沿海官兵犄角協力務令尅日撲滅以淨海氛決不容其養癰待潰貽憂重地也除嚴檄各營官兵

下海偵擒候獲日另疏奏

剿除戡亂救民等情又據商民黃貞等呈同前事內稱貞等今十六行至羊山海中遭寇千人飛艘風帆蟻舩編號械戟森嚴燒劫魚本六百餘金寸板無存復綁船戶船丁餘放上山通信勒限贖質設或遲悞即梟首撇屍立申剿救等情據此查係海寇劫殺異變合亟申報請乞檄行各總哨會剿等因本月十五日又據蘇州府海防同知蘇壯稱據吳淞守備陶拱極手本內

稱訪聞海洋有盜隨于本月十三日開行在洋
候風往浙偵緝合剿等因到廳該卑職看得羊
山在浙直之交海面浩蕩動隔千里且波浪洶
湧盜船易以出沒近有此劇盜該營既自稱開
洋往浙偵緝合剿自當奪勇成擒待其勦畢廻
報果有獲賊救人另詳請奪竊炤防禦固在盡
心而兵力必須充盛方可固圉消萌年來海上
各兵奉調遠出存營無幾營伍空虛是以盜賊
聞外事關海防合先馳

報仰祈

聖鑒施行

崇禎十一年五月十六日具

題六月十五日奉

聖旨據奏海寇連踪聚劫地方全無偵緝平時飭備
何在張國維着即嚴督官兵并力勦除仍着巡按
御史將各海防失事情形一并嚴查速奏該部知

道

旱災疏

題爲

天時久旱歲事可虞謹據實奏

聞以達民隱事竊照三吳財賦之區軍

國儲糈半取給焉年來征繕頻仍輸將孔亟唯望
雨暘時若少濟公私詎自春杪及今驕陽煽虐
川嶽閉靈揆蒔之期已逾蘊隆之象如故江南
素稱澤國今則支流盡涸舟楫不通四望平時

竟成焦土臣雖率屬虔禱而涼德微誠回

天無術卽或間灑霖霖然旱久爲災涓滴無濟低窪者
尚可資桔槔以施一溉高仰之區則如石田之
不可耕也各屬無地不憂旱無處不告災而江
浦六合兼報飛蝗并至矣據各申報之文并詢
士民之口在東屬常鎮爲甚蘇松次之在西屬
寧國爲甚應太等府次之小民哀籲奔號旣處
俯仰無資復慮公輸莫辦閔閔之情誠難繪悉
臣憂切地方竊念民窮之時加以災沴意外之
事更將有不可知者中夜徬徨寢食俱廢使旬
日之內甘澍大沛興此槁苗猶可半收鉅艾儻
過此以後三農無望臣不能不補牘以爲民請
命矣

皇上軫恤民艱慮周海宇睠此根本之地不知如何
廛念也除痛自修省祈回

天意外謹會同巡按蘇松等處監察御史王志舉巡按

應天等處監察御史陳起先據實報

聞仰祈

聖鑒施行

崇禎十一年五月初四日具

題七月初三日奉

聖旨據奏旱蝗爲災張國維着卽悉心率屬實圖修
省該部知道

旱蝗分數疏

題爲地方災傷實甚民生

國計堪虞謹再據實奏

報仰祈

聖慈大沛寬恤以拯孑遺事案照臣六月內題爲

天時久旱歲事可虞等事奉

聖旨據奏旱蝗爲災張國維着卽悉心率屬實圖修
省該部知道欽此欽遵該臣通行各屬竭誠祈禱

省刑疏獄立圖消弭去後續據應天府陞任府尹王心一呈稱府屬八邑多係高原每遇東作皆需水池塘今歲五六兩月爲非嘗之旱雖百用虔禱僅獲數點甘霖而杯水無救車薪以致田土龜裂三農失望兼以蝗蝻蔽空雖畱數莖復遭啣盡嗷嗷之衆填擁號泣告蠲告賑本府備行各縣履畝親勘務分別被災輕重轉報請題據各縣冊報如句容溧陽災至十分其外餘六縣輕重不等皆災至九分伏祈本院念今歲爲從來未有之旱災其被災重者蠲免輕者改折庶可以活子遺之命至于發帑賑濟諒爲聖明之所不靳仰祈俯賜具

題等因又據蘇松兵備帶管常鎮道事宋繼登呈據常州府申據武無等五縣申報旱災分數到府該本府知府陳瑄看得今歲自四月不雨以至七月萬姓號呼遍野甚而叫噪城市經

旬不散幸上臺虔誠步禱冀回萬一而膏雨未
施蝗螟洊至更螟蝥諸異盤踞禾中十處而九
奉憲檄諄詳雖旦夕禱雨并畢力捕蝗而時常
七月豐凶業已大定據各縣踏勘與卑職目耳
所聞覩大約武進之田居高阜者什九而一苦
於久旱再苦於飛蝗西成之望已絕宜興一縣
大半山谷爲江流之所不到而蝗災更甚於諸
邑俱應議災十分者也無錫之田低下者較多
嘗苦于潦幸支流尚衆雖蝗蝻時有車救已竭
僅可議災七分靖江在海島之中似桔槔尚易
而初夏則苦于時插之難施盛夏又困于江濤
之浸汨是旱與潦兩受之者也亦應議災七分
江陰處處通江今歲江潮獨漲于往時止甫田
之中爲岸水所不能及者實實被災止可議災
六分以上五縣雖被災輕重不同而受傷則一
伏望軫念江南重地卽賜題

請旦夕

皇仁下沛地方鞏固非淺等因又據鎮江府知府程
峴看得江南賦役繁重人民輻輳未有江流泛
漲潮水湧注飛蝗蔽天驕陽不反相併一時爲
災如今歲者也本府救荒無策步禱莫效據冊
徒縣詳文該縣田地七分居山三時不雨俱不
能栽插三分坐沙江潮汎濫圩畝衝塌禾苗槩
委之波臣矣丹陽縣詳文該縣地方高阜驕陽
爲疾業已三月秋首枯槁徧地龜文民命將靡
子遺金壇縣詳文該縣高原田地天時亢旱寸
土莫耕或有稍種早穀雜糧萌蘖出土異蟲蠶
食殆盡惟有近水田疇七百七十三頃有零竭
力佈種復爲大風偃而蝗蝻食高低焦土寸草
不生細按三縣被災高下通算實有九分將何
以資俯仰而輸賦稅言念至此大可寒心若不
早爲繪圖上

聞請蠲議賑則賦無自出民失所天本府不敢不仰
體據實以陳者也等因又據鎮江衛管屯指揮
陳世沐呈稱查左等六所百戶文千等四十八
伍屯營坐落江北揚州府江都泰興泰州等處
地方俱係高崗瘠沙碱薄土地時值赤旱禾苗
未插苦佈蕎豆雜穀芽始出土蝗蝻簇傷泉壑
飛塵槁草枯死人無食水悲聲流竄營室九空
望絕煙火若此異災徵輸無計有司

國課郡邑黎民羣集哀呈已蒙申詳院道

題議蠲停軍民命同一體伏乞俯垂請

題蠲恤亟甦萬命等因又據蘇州府知府陳洪謐
呈稱今歲

天禍吾吳入夏以來亢陽爲虐河底盡裂車戽莫救幸
蒙本都院率屬虔禱冀挽

天心稍得甘霖而夏末秋初又復乾旱兩月酷日更炎
未種者固已無望已種者又復焦枯雖車戽之

聲徹于晝夜而挽救成苗者大槩不能十之一
二卑職已經諭令各邑長吏備細踏勘明白先
將被災分數具繇申報外豈今忽有蝗蝻頓生
飛則成陣如雲集則千畝立盡不惟禾稻悉遭
其蠶食卽蘆葦稿草均罹其毒塚村落小民無
一不妻孥而哀號閭閻士子莫不赴公庭而控
懇卑職覩此情形實切傷心慘目乃今轉盼秋
杪徵收及瓜無論

朝廷百萬漕糈無以應兌且窮民早暮饕餮將誰糊
口人心洶洶道路徬徨真有不可言者在矣計
吳縣災十分長洲吳江常熟崑山四縣俱災九
分太倉嘉定崇明三州縣俱災八分懇乞特以
被災分數繪圖上

請破格蠲賑庶東南一塊地不致爲離散之鄉而八
邑之生靈稍免爲溝中之鬼等因又據松江府
知府方岳貢呈稱自賦額日增小民困敝復時

際其窮旱魃爲虐正當耕耨雨澤久屯低窪者
車戽難施高阜者彫枯立見旣失秋成之望空
費播種之資計災傷分數華亭爲傷四分上海
青浦各受傷五分請乞破格

題請慰此窮黎等因各報到道該本道覆覈四府
災傷雖微有輕重不同然皆江南從來未有之
災伏懇速賜會

題或蠲或折爲民請命等因又據太平府當塗縣
知縣黃昌胤呈稱四月無雨萬畦罄成荒土

國稅民生兩無所賴茲荒狀鱗集逐一查勘實數
約山鄉之罹旱崇者計災七分等因又據蕪湖
縣知縣胡崇德呈稱本縣田土切近大江地勢
灣下旱魃肆虐苗近乾枯後復間有蟲災傷殘
不等大約不足有秋之願難免於無年之憂也
等因又據繁昌縣知縣張繼曾呈稱繁昌田土
山圩各半四月間雖亢旱不雨後因祈禱雨暘

時若兼無淹沒蟲傷本縣以秋成高低計之十分有七等因又據太平府署印同知楊承芳呈稱本年七月二十七日飛蝗鱗集徧騰慈湖至采石等地方稻穀等苗被食傷者有十之七矣至本月二十九日本府城郭附近地方亦皆飛騰障天墜落滿地豆穀等苗亦被食傷見今俱各醮祀趕送俟各縣申報災傷確數至日另文通報等因又據安慶府望江縣知縣楊雲梯呈稱望邑濱江沮洳地隘民貧奈五月連旬霖雨大浸稽天而江楚上流湖泮滙合以致陸地成川洪濤萬頃淹禾沒稼舉目慘悽不意兵戈之後復罹水患此卑職之與一邑士民痛心疾首仰天呼籲也等因又據廣德州建平縣知縣何弘仁申稱七月初六日親詣龍潭竭誠禱請卽於是日得雨查得各鄉村雨澤分寸多寡不一然時入處暑陰雨間作雖秋收未必盡登而通

一邑計之自此或可保什之七也第東北梅渚一隅雨雖稍漑蝗仍可憂卑縣卽出示諭令居民捕蝗一石捐俸給銀二錢委巡簡謝華督查務盡驅捕外合行申報等因又據江陰縣呈稱蝗蝻集徧四野前設醮禳禱未除諭令捕獲未絕初爰止於清化等鄉一飛而起聯絡數十餘里一棲而食戕啣百千餘田如此慘災卽

國朝三百年來江南猶所未覩卑職親詣各鄉踏勘赤地坵墟目擊心憫向也侵食一方今則災徧通邑向也棲息之地信宿卽起今則時往時來盤旋環噬前稍有剩今靡孑遺猶可憫者亢旱之後小民力救之餘膏血已竭今盡付之蝗嚙災黎携老挈幼號泣田間呼愴之聲哀號載道卑職救荒無策自省有慚自初五至今幾及旬餘計收各鄉投報災呈不下千紙獲解蝗蝻百餘石每石給賞錢三百文冀以人力稍回

天意但今通邑受害災及十分將來漕白二糧籽粒何
辦金花京邊徵解何從矧今災傷未久民懷轉
徙之思日後輸納維艱必有逃亡之患伏乞速
賜具疏

請蠲請賑抒東南剝膚之憂等因又據靖江縣知縣
陳函輝呈稱卑縣自申文報荒卽于初五日停
徵息訟率屬多方祈禱露宿在外處處踏勘靡
神不舉不意薰天塞野之勢日增一日乘間
發西北各團禾豆棉花俱被侵食寸草不留今
屯集於中洲永慶耿公山沙長安丁墅諸團成
對生子布塞田埂所集之處頃刻積至尺餘者
不但數里遇之無不立盡卑職無德弭災有罪
降罰已措設嘉錢數十萬勸諭老幼人等分頭
多方捕捉但今荒稜徧境介孽食人不獨
國課靡輸兼慮人心洶洶災上加災十分緊急伏
乞俯念

國計民生亟賜題

請定奪等因各詳前來又淮安廬撫臣史可法會稿
內開懷寧縣旱災望江縣水災太湖縣水旱相
繼各緣繇到臣除寧國徽州池州三府屬未據
續報聽按臣就近查勘外該臣謹會同巡撫安
廬等處右僉都御史史可法巡按應天等處監
察御史陳起龍巡按蘇松等處監察御史王志
舉看得民以食爲天公私之所寄命惟在歲事
水旱蝗蝻偶值其一卽有艱食之虞未有陽侯
旱魃交祟於一時而蘊隆介孽瀰漫於千里如
江南今日之甚者也臣于六月初旬見累月不
雨飛蝗渡江具疏奏

聞奉有悉心率屬實圖修省之

明旨臣仰承

睿慮悚惕不遑無日不與各屬省過改愆問疾苦疏
寃抑以力圖消弭而奉職無狀

天譴難回大江則因鄰省淫霖異常泛漲江壩盡化蛟
宮陸地則因此方久旱異常焦枯澤國皆成赤
土飛蝗復自北而南轉自西而東無地不徧所
過皆殘繩繩相生日滋月盛瞬息而行數十里
遇水又能引類以渡其飛也排雲擁霧白日爲
昏其集也蔽野連塍高踰尺許向來驕陽之所
遺桔槔之所畱者舉不足當其一啣先食蘆葦
蘆草空而及樹竹樹竹殘而及禾稻禾稻罄而
蘆舍之茅茨往往蠶食略盡僅存環堵不惟奪
民之食且與民爭處矣臣雖行捕蝗給賞之約
而車不勝載斗不可量民間婦女老幼哀號震
天束手待盡不堪見聞有司繪圖見告無不至
再至三以及鳩形鵠面之徒日向臣衙門而環
訴令人掩泣寒心臣尚未能寫其萬一也計其
災傷分數望江全被水災太湖丹徒水旱各半
句容溧陽吳縣武進宜興江陰靖江以十分報

上元江寧溧水高淳江浦六合長洲吳江常熟
崑山丹徒丹陽金壇以九分報太倉嘉定崇明
以八分報無錫當塗以七分報上海青浦以五
分報華亭以四分報繁昌建平以三分報懷寧
蕪湖雖未報有分數荒歉當不減於他邑江南
收穫較遲距今尚須逾月而蝗蝻方興未已已
被蝗者勢將日加未被蝗者更駭駭慮其將及
此後又不知作何景象哀哉吳民何懼困至此
極也有司目擊瘡痍請蠲請折請緩請賑代窮
黎而爲疾痛之呼微臣下念地方上念
國計使情非甚迫何敢不抑其請而仰瀆
宸聽惟是三吳之地乃係

國家根本今日之災尤爲今古罕聞及今不爲之
所毋論轉溝之慘挺走之變所不堪言而民命
絕矣

國賦安出留子遺以效輸將所賴於

浩蕩恩波真不啻雲霓之望矣故不避煩聒補牘上請伏乞

敕下戶部照近行事例行巡按御史不拘已報未報

州縣凡被災傷悉行從實勘明具

奏災民幸甚重地幸甚臣無任激切待

命之至

崇禎十一年八月二十日具

題九月廿三日奉

旨這續報三吳災蝗情形殊甚憫惻先行各地方多方拯綏其被災分數着巡按御史勘實具奏該部知道

叙六合城工疏

題爲報完六合城工兼叙有功文武各官及紳衿
耆民以示激勸事案炤崇禎十年十一月十一
日准兵部咨爲六合築城有資招募無濟緩急
懇乞

聖明立允所請以拯危疆以奠重地事該本部覆臣
題前事等因崇禎十年九月十三日奉

聖旨該部看議速覆欽此欽遵抄出到部送司于本

月二十一日又奉本部送准工部咨同前事等因到部送司查得浦六增兵一案本部覆留江南四府驛裁銀一萬三千三百八十九兩七錢零以爲防禦之資奉

旨遵行在案今該應撫題攻爲築城之用如本年不足以次年補之再不足又以本年以前未解者再留一萬三千三百八十九兩七錢零合之三年共足四萬一百六十七兩七錢零合無准收爲該撫查明收用事完銷案第此項銀兩已收築城之用而防兵之費又當行該撫另行設處者也事隸兩部職掌相應會同工部具覆案呈到部該臣覆看得脩理城垣一事臣考諸司職掌

大明會典兵工二部皆兩載之其見于兵部者天下都司衛所城隍也或遇所司移文脩築須要奏聞差人相度准守令禦軍士或所在人民築造

然後施行此兵部職方之職也其見于工部者
皇城京城墻垣若在外藩鎮府州城隍也但有損壞
係干緊要去處隨卽度量彼處軍民工料多寡
八奏脩理如係腹裏去處于農隙之時興工
工部營繕之職也而應用錢糧則未之聞想見
開國之初人不敢私其力築城自衛夫亦派之軍
民以多寡分三七焉已耳承平日久脩築罕聞
且舉一世之人而封殖其私父穰母帚咸其私
御史暨各科院陞任府尹王心一府丞徐石麒
池太道張士第先事綢繆多方補勸又仗本府
理刑推官寇遵典兩臺專委百堵勞心跋涉驚
濤驅馳盛暑程限倍爲嚴明官民益有稟仰而
一時共事如承宣提挈則有徽寧道侯安國往
來督巡轉餉不置則有鎮江府理刑推官雷起
劔相形察勢爰謀經始則有本府陞任治中晏
善成常州府陞任同知蔡如葵捐俸首助勸勉

充濟則有府尹府丞及通判徐樹藩陳良驂推
官寇遵典上元等縣知縣陳之伸楊雋卿錢朝
彥許承欽余厥成李維樾方廷涓至于痛愍同
室力任率先倡助旣勤標式必峻則有鄉官進
士知縣潘世奇南京戶部主事汪國策觀政進
士吳嘉禎若夫激勸青衿經始度地則有先署
縣事舉人教諭張堦加以監生胥宇汪國涓之
奮力登先百姓李繼臯之子來不日職始得一
意稟承上臺指揮督率士民力作日同本縣典
史胡一鴻大使李愷查西北東三面舊有土基
可因不礙民居者先責其庀材鳩工採石燒甃
仍令自具認結限期完工而民遂欣然趨事矣
且磬折隆于父老給散皆以原封而民益傾心
聽順矣稽勤惰以明賞罰別高下以課成虧而
民益爭先恐後矣但濱河一帶或戀戀于故廬
之難捨或惴惴于謀生之路絕因有倡爲虛留

一面之說又有造爲跨河兩城之議者卑職揣其勢之必不可行而力之必不能繼也委曲開諭申之以大義怵之以憲法居民始降心以從職隨同寇推官周廻審視手城基有餘者則存民居以免重遷城基稍歉者量移民居以通權變間有一二低窪下手實難者懼其功倍而費多也每邊巡不前防禦把總楊芳向職商曰民旣艱于臨河之築曷若職輩拮据以效微勞職不勝其躍踴幸獲此兵力以相資也通力合作言言侏侏竝三面而峙矣然四門不闢其何以通車徒利攸往也職爲之多方勸諭通融接濟管理有人出納有簿三月之內四門遂具巍然之勢然今日者因土爲城因濠爲塹問誰爲之則舊令鄭同玄之功亦不可忘也總之此一役也始于二月興工迄于八月竣事半載鳩僝收千萬世固圉之利自非憲臺之區畫周詳發帑

如流何以神速若此哉顧職守土臣也民社攸關鞠躬盡瘁分所宜然曷敢言勞惟是在防諸弁與二三敎職卑瑣下吏功深捍衛績著勤勞有不容泯者如躬親督率之程守備同心鼓舞之楊把總防六之勞旣久城六之功更多及新調助防之總兵陳良知所當與先事諸臣一體題敘以鼓任事之心至若協防地方之把總張人傑朱祚昌協勸青衿之訓導陳有蘊陶孔教與夫分委督工之縣尉胡一鴻巡簡黃景星驛丞周汝任大使李愷鄒昌宗奉憲催餉報工標下千總官顧復愷督兵扎防水營把總馮應魁王國佐早營哨官朱國臣王鍾塘報官何祿皆有裨于地方所當竝敘者也其餘紳衿之急公商民之好義未可盡悉謹撮其最者如知縣馮良謨中書孫國教序班季士俊通判姚思德教授侯元奎經歷陳秉鑾舉人沈奇瑛章起經貢士

厲振嶽毛至潔陸世祚監生胥宇汪國涓沈啟
明賀應武生員余之鯨章起賓汪國瞻孫胤蕃
曾祉齡戴啟元孫宗岱褚思誠侯士駟武生朴
素童生夏大夏義官李繼臯耆民陳阡老人池
春等商民陸少筠吳若墟葉啟賓陶明宇等先
行開報伏祈憲臺破格獎賞于以激勸人心匪
淺也藩籬旣固職且藉以慎譏察之防申保甲
之法凡可以竭駑鈍之力以祈仰副憲臺保障
至意敢不勉焉冀免瘵曠也等因到臣該臣看
得六合地當四達拱

畱都捍吳會控儀揚雖彈丸也而扼咽喉之要惟
邑無城郭勢處孤危臣自入吳時首抵是邑周
覽相度卽以此爲慮無時不與地方講求濬築
然向時竭吏民之力僅畢鑿池之務城工尚未
能興揆厥所繇固云難與慮始而實有一種艱
苦之情焉緣蕞爾一隅軍民商賈相與雜處荷

戈倍于受廛戶鮮蓋藏之富貿遷多于土著人
無安土之思以故議貲則訕動衆則囂處堂則
怡聞警則徙豈以

畿甸重地而可有此不固之人心微臣徬徨無策
不得已將蘇松四府驛裁銀疏

請改克版築而樞部慨然議覆共留銀四萬一百六
十七兩七錢零臣數年嘔心敝舌不能得之地
方者頓能得之樞部蓋樞部爲

陵京保障計非止爲一邑藩維計也自

皇上渙發

德音允部所請上不費搜括下不煩加派吏民歡聲
雷動版軟雲興始自仲春訖于仲秋而崇墉屹
然從來興築竣工之速未有若此者也其間在
事之勞亦有不得而泯者殫心籌畫定力主持
共發備賑贖鍰數千金以首先倡率則舊按臣
張煊今按臣陳起龍也綢繆于事始督勵于厥

成則陞任操臣王道直暨陞任府尹王心一府
丞徐石麒也促督竣工鼓舞不倦則池太道臣
張士第徽寧道臣侯安國也應天府陞任治中
晏善成常州府陞任同知蔡如葵有經營勸諭
之能鎮江府推官雷起劔有轉輸接濟之力應
天府推官寇遵典有往來稽督之勤應天府府
尹府丞推官以及通判徐樹藩陳良驂各縣印
官陳之伸楊雋卿錢朝彥許成欽余厥成李維
樾方廷渴咸效同舟協助之義所當分別紀錄
者也而其專責全在縣令該令仲聞韶當去冬
賊氛未遠卽星馳抵任集流離之衆而多方勸
諭力任興築其始畏難梗議者情類蝸蟻聞韶
持之以靜格之以誠別之以勸懲歸之于調劑
先丈城基次定戶役悉憑公議勞怨不辭遊管
理之人慎給散之法酌官民協助之宜莫不井
井有條足以見其綜理之才清潔之守矣且其

時正值旱蝗爲災聞韶一面步禱露宿一面庇材鳩工日夜胼胝足以動小民趨事之心以故用力寡而成功多也近見吏部

題稱州縣官有能守城繕城禦災救荒撫養流移種種實政可稽者便屬異等撫按官

奏薦

特旨

欽取填補科道聞韶繕城于風鶴之時撫衆于災荒之日受事雖未久而實政已有徵比于太湖建平之築城勞苦則一而迅速過之今太湖知縣

楊卓然奉

旨優擢建平知縣侯佐蒙

恩調繁聞韶可無優異之典以示風勵乎問誰分勞則舉人教諭張燠模範幹濟足以鼓勵青衿而訓導陳有蘊陶孔教典史胡一鴻巡簡黃景星驛丞周汝任大使李愷鄒昌宗皆能效羣策羣

力者也問誰協謀則鄉紳進士知縣潘世奇念
念急公事事倡率與南京戶部主事汪國策觀
政進士吳嘉禎捐貲董成謀周終始異日助勦
之業均於桑梓見一班矣他如原任知縣馮良
謨中書孫國枚通判姚思德教授侯元奎序班
季士俊經歷陳秉鑾等舉人沈奇瑛章起經貢
士勵振嶽毛至絮陸世祚監生胥宇三
啟明賀應武等生員余之錄章志實三
循著曾社齡戴啟元孫宗岱褚思誠侯士綱等
武生朴素童生夏大夏義官李繼臯耆民陳阡
老人池春等商民陸少筠吳若虛葉啟濱陶明
宇等勤勞爲最而其餘好義終事更未可枚舉
以上教諭等官均應紀錄紳衿商民或示優異
或給旌獎或授冠帶皆宜加以鼓舞者也自春
迄今流氛飄忽居民往往一日數警臣于春初
調加銜把總楊芳領兵五百護築于夏初調守

備程周祐領兵六百協防至秋初遣鎮臣陳良
知統重兵捍衛而厥功始竣千總官顧復愷水
營把總馮應魁王國佐陸營哨官朱國臣王鍾
塘報官何祿均屬有勞例得並敘而加銜把總
楊芳防禦最久與地方最相習所當破例示優
者也因濠爲城因鑿資築今日城高而池深則
舊令鄭同玄之數年開濬載道有口亦不可盡
沒耳至于驛裁銀兩纍年拖欠難完頃以數米
待炊之坊工望濟于四萬有奇之積道臣設法
督催心力幾殫然不過以樞部之額銀完樞部
之特舉臣實纖毫無所裨益卽捐資贊工調兵
措餉亦疆臣分內事曾何勞之足云也除工作
銀兩俟催齊縣冊另行報部銷筭及築城後駐
防事宜候縣議妥另疏

上請外謹會同巡按應天等處監察御史陳起龍合
詞具

題仰祈

敕部議覆施行

崇禎十一年九月初六日

題十月十五日奉

聖旨該部核議具奏

李楊二令行取疏

題爲勞令疊荷

溫綸考選幸逢其會特請

聖明一體行取以示風勵事伏炤臣屬江浦孤懸江北介在賊衝知縣李維樾數年以來拮据城守力遏強氛卒能屢犯屢却壘卵獲安狡賊不敢突揚窺渡者皆其捍禦之功也案查崇禎八年冬強賊數萬攻浦九晝夜該令督率官兵士民

誓同死守以守兼戰微臣具有官兵奮勇殺賊
一疏叙維樾全城之績復經原任南京河南道
御史郭維經具題奉有李維樾准紀錄俟有後
績從優彙叙之

旨崇禎十年春賊騎逼近江浦維樾設備扼敵再保
危城臣援雲鎮知縣馬剛中邊俸近例以

請奉有江浦保障需人李維樾俟賊平行取優選之
旨今春兵部類覆南都著勞各官復奉有李維樾吏
部優選之

旨眇焉邑令洵被

溫綸真下吏希邁之遭逢也但未遇考選之期不敢
頻爲聒瀆適閱邸報吏部一本爲南垣空署需
補等事奉

聖旨考選嚴禁濫徇除已經奉旨應考的着該部分
別開列其餘不得溷請欽此竊炤縣今考選首重
功績兼核錢糧該縣錢糧歷年完解奉有紀錄

之

旨可據至其全城著績累

旨優叙尤海內邑令所不多見似允符減俸之例者

況其資俸已歷四年零六個月卽嘗俸已踰期

乎

明旨所云應考如維樾者誠宜首及矣伏懇

皇上特賜行取以信

明旨豈特維樾永矢捐靡凡禦寇諸邑有不聞風而

競奮乎抑臣更有

請焉太湖知縣楊卓然莅任于殘破之餘能聯絡衆

志勸勉築城且築且守三載以來荼苦倍嘗前

臣具却賊塘報奉有楊卓然准先紀錄事平優

議之

旨再具城工告竣一疏奉有楊卓然俸滿優擢之

旨嗣經部覆候補樞曹本官之勞績已入

皇上睿炤矣今轉遷尚稽適逢考選能無奮庸之思

擢身政事
竊思部曹改授有例而軍功甄別宜優并祈

聖明破格拔擢俾卓然均與考選之列則感

恩圖報當不在維樾後也謹會同巡撫安廬等處右

僉都御史史可法巡按應天等處監察御史陳

起龍合詞上

請伏乞

敕部覆議施行

崇禎十一年十一月初五日具

題十二月三十日奉

聖旨吏部知道

買和抵兌疏

題爲上全

國課下救民生懇乞奏

請買和易兌事據鎮江府丹徒縣申據本縣山沙糧
長王福等連名具呈前事該本縣知縣鄭一岳
查得兩院俯念災出異常具

題請蠲請折矣第今本縣徵糧期迫深思民間田
地罄土不毛誠恐有悞漕運進退無策適逢鄉

民數千餘人涕泣哀控祈援成例願揭銀自買上江秬米以候運船之至夫本縣之晚米雖云無出而上江之秬米則輓輸可繼當此赤地一空之日必欲索以常米則萬萬不能取盈于災民本縣細查往例天啓四年地方水災亦曾以秬米占米二色代納天啓六年亦係水旱蝗蝻該前任知縣鄭之尹具文通詳院道業蒙前任毛都御史批開丹徒一邑三災并疎禾之不存米于何有漕糧烏容少緩據詳請糴于上

江以秬米代晚米夫既有米便可完漕又何論秬與晚乎而況有天啓四年之成例在准如詳行仍先期出示曉諭運軍遵守繳又蒙前任巡按王御史批開該縣重災惟不誤漕運足矣准照四年例以秬米交兌仍候撫漕兩院示行繳又蒙前任總漕部院郭都御史奉批如議行繳奉此遵行隨以秬米代納官軍交兌無辭今據

衆姓號援成例不得已輒敢代請倘蒙俯賜俞允以和米交兌則在災民無米而有米在院道便民亦便軍矣等因又據丹陽縣知縣傅德堅呈稱邑地衝疲稅役煩苦嗟惟正之難供矧災履之繼至如今歲亢旱繇夏迄秋禾苗莫籽桔槔無濟加以蝗蝻遍地盡啣半歲無水之禾野草間生又被八月飛霜之萎三災頻至從未有甚于此時者是以童叟驚愕紳老歛歛做江右蠲折之議跂恩江左借楚秬改折之籌請寬本色庶倉皇稍定漕糧有需等因又據金壇縣知縣李登雲呈稱鎮江府屬三縣較之金壇災傷比丹徒丹陽尤甚卑職單騎臨郊一望號聲震野從來雖經災傷疊異未有若此之甚者將來大糧雖令災民勉力貸糴外郡多繇秬穀若不從其輸納則徒加鞭朴是以敢援往昔舊例申請或俯賜秬米充納猶濟生民萬分之一也卑

縣激切上請伏惟恩賜俯從非惟萬姓銜恩而漕運亦得早完矣等因俱經批行該道確議去後續據蘇松兵備帶管常鎮道僉事宋繼登呈覆前來內稱今歲自夏徂秋旱魃爲災竭力車救之餘成熟十無一二復遭蝗蝻肆虐食穗及根豆禾咸盡野無青草此從來未有之奇荒也仰荷本院痛恤民隱業已具疏上

請矣第今

下轉盼漕兌屆期嗟此窮民自難爲無米之炊卽有司寧無急公大義但先經身親踏勘日擊籽粒無收豈忍復作違心之敲扑此金壇縣計無復之所以有買袖抵兌之請然常鎮所屬同罹此災伏望慈俯賜咨

題槩准糴袖以充漕兌庶糧里得化無爲有運務可挽遲爲速也等因呈詳到臣該臣謹會同巡按蘇松等處監察御史王志舉看得江南今歲

早蝗之災誠百年來所未經見也田禾若掃場
穀無登小民處處搶地呼

天而不能延命旦夕有司日日勘災問疾而不敢啓口
催徵傷心之狀難描走險之情堪慮所翹首而
望者惟是

朝廷蠲折之恩波旦暮且至可以起之溝中耳然有
蠲而未盡蠲折而未盡折者輸納之法窮而思
通尤不可不預爲之計也目今漕兌將屆無米
難炊祗有糴上江和米可以濟本地之乏

兌務之急其於以完漕則一也如臣屬兌漕者
九府而五府皆納秬米止在本色之精良不在
秬米與晚米爲分別且查得天啓四年天啓六
年鎮江諸邑皆因地方災傷往糴秬米代納漕
兌歷有卷案可憑成例卽在近年非關創舉雖
權宜之着寔必至之勢也今若不爲之通融則
有司窮於敲扑百姓窮於剜醫而一百八十餘

萬之儲糈必至耽悞臣所爲轉展躊躇而食不能咽者也常鎮濱江去上江不遠便於糴秬宜令全以秬米代兌蘇松去江稍遠而糧又最多雖糴客秬猶患不足宜令客米與本地米竝兌有無相通公私交濟庶一轉移間而軍民竝消意外之虞矣臣等目擊匱乏情形乃敢爲此萬不得已之請時日已迫伏惟

聖明立賜俞允施行

崇禎十一年十月初一日具

題十一月十一日奉

聖旨該部看議速奏